

宋人年譜叢刊

主編 吳洪澤 尹波
主審 李文澤 刁忠民

四川大學出版社

五

主編 吳洪澤 尹波
主審 李文澤 刁忠民

宋人年譜叢刊

第五冊

四川大學出版社

目 錄 (第五冊)

東坡先生年譜 (宋·施宿)	二七五九
東坡紀年錄 (宋·傅藻)	二八二一
三孔事迹編年 (李春梅)	二八五九
蘇頌濱年表 (宋·孫汝聽)	二九三一
山谷年譜 (宋·黃芻)	二九七三
李之儀年譜 (曾棗莊)	三一二一
曾子開年譜稿 (近·周明泰)	三一五三
淮海先生年譜 (清·秦瀛)	三一七一
張文潛先生年譜 (近·邵祖壽)	三二一五
米海岳年譜 (清·翁方綱)	三二七三
賀鑄年譜 (王夢隱)	三二八九
後山詩注目錄年譜 (宋·任淵)	三三一七
陳後山年譜 (近·陳兆鼎)	三三三七

游定夫先生年譜（清·游智開）	三三八五
龜山先生文靖楊公年譜（宋·黃去疾）	三三九一
清真居士年譜（近·陳思）	三四一一

東坡先生年譜

(宋) 施 宿 編

王水照整理

日本倉田淳之助 小川環樹編《蘇詩佚注》本
並據日本名古屋蓬左文庫藏舊鈔本校補

蘇軾（一〇三六——一一〇一），字子瞻，號東坡居士，眉山（今屬四川）人。其生平事蹟見王宗稷《東坡先生年譜》簡介。

此譜爲宋施宿編。施宿（一一六四——一二一三），字武子，吳興（今浙江湖州）人。其事蹟參陳乃乾《宋長興施氏父子事蹟考》。本譜分紀年、時事、出處、詩四欄紀事，是宋人年譜中現存最早的表譜。但此譜國內久佚，王水照先生據日本滄田淳之助《蘇詩佚註》影印富岡鐵齋藏本，並據日本名古屋蓬左文庫藏舊鈔本校補，整理成《東坡先生年譜》的完本。其整理凡例：一、以《佚注》爲底本，蓬左本爲主要校本，並以蘇軾詩文集等參校，作《校補記》附於文末；二、陸游序以《渭南文集》卷一五《施司諫註東坡詩序》參校；三、施序除兩本對勘外，復據日本宮內廳書陵部所藏《王狀元集百家註分類東坡先生詩》卷九所鈔施宿序校補。此譜曾刊入《宋人所撰三蘇年譜彙刊》（上海古籍出版社一九八九年）。本書所收，復據影印原件校勘。

註東坡先生詩序

古詩唐虞賡歌，夏述禹戒作歌。及商周之詩^(一)，皆以列於經，故有訓釋。漢以後詩，見于蕭統《文選》者，及高帝、項羽、韋孟、楊惲、梁鴻、趙壹之流歌詩見于史者，亦皆有註。唐詩人最盛，名家者以百數，惟杜詩註者數家，然概不爲識者所取^(二)。近世有蜀人任淵，嘗註宋子京、黃魯直、陳無己三家詩，頗稱詳贍；若東坡先生之詩，則援據閎博，指趣深遠，淵獨不敢爲之說。游頃與范公至能會於蜀，因相與論東坡詩，慨然謂游：「足下當作一書，發明東坡之意，以遺學者。」游謝不能。他日又言之。因舉二三事以質之曰：「『五畝漸成終老計，九重新掃舊巢痕』，『遙知叔孫子，已致魯諸生』，當若爲解？」至能曰：「東坡竄黃州，自度不復收用，故曰『新掃舊巢痕』，建中初復召元祐諸人，故曰『已致魯諸生』，恐不過如此耳。」游曰：「此游之所以不敢承命也。昔祖宗以三館養士，儲將相材，及官制行，罷三館。而東坡蓋嘗直史館，然自謫爲散官，削去史館之職久矣，至是史館亦廢，故云『新掃舊巢痕』^(三)，其用字之嚴如此。而『鳳巢西隔九重門』，則又李義山詩也。建中初，韓、曾二相得政，盡收用元祐人，其不召者亦補大藩，惟東坡兄弟猶領宮祠。此句蓋寓所謂不能致者二人，意深語緩，尤未易窺測。至如『車中有布乎』^(四)，指當時用事者^(五)，則猶近而易見。『白首沉下吏，綠衣有公言』，乃以侍妾朝雲嘗嘆黃師是仕不進。故此句之

意，戲言其上僭，則非得於故老，殆不可知。必皆能知此^{〔六〕}，然後無憾。」至能亦大息曰：「如此，誠難矣！」後二十六年^{〔七〕}，游告老居山陰澤中，吳興施宿武子出其先人司諫公所註數十大編^{〔八〕}，屬游作序。司諫公以絕識博學名天下，且用工深，歷歲久，又助之以顧君景蕃之該洽，則於東坡之意，蓋幾可以無憾矣。游雖不能如至能所託^{〔九〕}，而得序斯文，豈非幸哉！嘉泰二年正月五日^{〔一〇〕}，山陰老民陸游序。

東坡先生詩^{〔一〕}，有蜀人所註八家，行於世已久。先君司諫病其缺略未究，遂因閑居，隨事詮釋，歲久成書。然當亡恙時，未嘗出以視人。後二十餘年，宿佐郡會稽^{〔二〕}，始請待制陸公爲之序。而序文所載在蜀與石湖范公往復語，謂坡公旨趣未易盡觀遽識，若有所謹重不敢者。宿退而念先君於此書用力既久，獨不輕爲人出，意或有近於陸公之說；而先君末年所得，未及筆之書者，亦尚多有，故止於今所傳。宿因陸公之說，拊卷流涕，欲有以廣之而未暇。自頃奉祠數年，舊春蒙召，未幾汰去，杜門無事，始得從容放意其間。蓋熙寧變法之初，當國者勢傾天下，一時在廷，雖耆老大臣、累朝之舊，有不能與之力爭。獨先生立朝之日未久，數上書言其不便，幾感悟主意；而小人嫉之，擯使居外。至其忠誠憤鬱不得發，始托於詩以規諷，大抵斥新法之不爲民便，而小人之罔上者，蓋凜凜也。既謫黃岡，躬耕東坡之下，若將終焉。遇其興逸，絕江弔古，狎於魚龍風濤之怪，放浪無涯涘，蓋莫得以窺其際。元祐來歸，所挾益大^{〔三〕}，議論終不爲苟同。宣仁聖后察見神宗皇帝末年之意，親加擢用。然周旋禁近，不過四年，迄以不容而去。迨紹述事起，嶺海萬里，瀕於九死，而皓首煙瘴，巋然獨存，爲時天人^{〔四〕}。和陶之作，出騷入雅，深涉道德性命之境，落筆脫手，人爭傳誦，愈不可禁。蓋先生之出處進退，天也。神宗皇帝知之而不及用，宣仁聖后用之而不能盡^{〔五〕}，與夫一時用事者能擠之死地而不能使之必死，能奪其官爵、困危僇辱其身而不能使其言語文字不傳於世，豈非天哉！故宿因先君遺緒，及有感於陸公之說，反覆先生出

處，攷其所與酬答賡倡之人，言論風旨足以相發，與夫得之耆舊長老之傳，有所援據，足裨隱軼者，各附見篇目之左；而又采之國史以譜其年，取新法罷行之目^{（二六）}，列於其上，而系以詩之先後，庶幾觀者知先生自始出仕^{（二七）}，至於告老，無一念不惓惓國家，而此身不與。讀其詩，論其所遭之難，可以油然而寡怨，而篤於君臣之大義矣。雖然，宿之區區，豈以爲有補於先生哉！蓋先君之志在焉，不敢使之泯沒不見於世，如斯而已矣。嘉定二年中秋日，吳興施宿書。

東坡先生年譜上

紀年	時事	出處	詩
景祐三年 丙子仁宗 在位之十五 年		先生以是年十九日卯時生於 眉山縣紗縠行私第〔一八〕。	
四年丁 丑〔一九〕			
寶元元年 戊寅冬十 一月十八日 改元			
二年己卯		子由以是年二月二十日亥時 生〔二〇〕。	
康定元年 庚辰春二 月二十日改 元			
慶曆元年 辛巳冬十 一月二十日 改元			

二年壬午			
三年癸未			是年先生入鄉校。
四年甲申			
五年乙酉			
六年丙戌			
七年丁亥			
八年戊子			
皇祐元年 己丑			
二年庚寅			
三年辛卯			
四年壬辰			
五年癸巳			

至和元年 甲午		是歲娶通義郡君眉人王氏諱弗，鄉貢進士方之女。	
二年乙未		是歲先生始舉進士，至京師。	
嘉祐元年 丙申		秋，請開封府解。	
二年丁酉	春，禮部試。知舉歐陽修、王珪、范鎮、韓絳、梅摯。	禮部奏名居第二。三月御試中乙科。夏四月，奔蜀國夫人程氏喪，還蜀。	
三年戊戌	六月，富弼昭文相，韓琦集賢相。	先生居憂。	
四年己亥		秋七月，免喪。九月，侍官師如京師。歲除，至長安。	《初發嘉州》、《過宜賓》、《泊牛口》、《望夫臺》、《仙都觀》、《入峽》、《出峽》、《荆陽早發》、《留尉氏》、《漢水》、《竹葉酒》、《阮籍嘯臺》、《許州西湖》。
五年庚子		春正月，至京師，歐陽文忠公舉先生應材識兼茂明於體用科。	

六年辛丑

秋八月，試賢良方正之士，考官吳奎、（孫）（楊）敞、王安石。閏八月，韓琦昭文相，曾公亮集賢相。九月，御試，考官胡宿、沈遘、范鎮、司馬光、蔡襄。

七年壬寅

先生試秘閣六論合格，御試策入三等，授大理評事、簽書鳳翔府節度判官、廳公事^{（三）}。國朝試科目常在八月中旬，時子由將就試，忽感疾卧病，自料不能及矣。韓忠獻知之，為奏曰：「今歲制科之士，惟蘇軾、蘇轍最有聲望，今聞蘇轍偶疾未可試，如此人兄弟中一人不得就試，甚非衆望，欲展限以俟。」上許之。及子由全安方引試，比常例展二十日。自後試科目皆以九月，蓋始於此。冬十一月，先生之官鳳翔。是年五月，官師始以歐公薦授官。

先生在鳳翔。春二月，以府檄往賣鵝、郿、號、蓋屋四縣決囚，時太守陳希亮公弼也。秋，希亮命公兼府學教授。

《鄭州西門外別子由》、《和子由澠池懷舊》、《過長安和劉京兆石林亭》、《鳳翔八觀》。

《石鼻城》、《礪谿》、《郿塢》、《書崇壽院壁》、《樓觀》、《題延生觀後小堂》、《留題中興寺》、《是月二十

八年癸卯
三月二十九
日英宗皇帝
即位

先生在鳳翔，以覃恩轉大理
寺丞。秋，禱雨礪谿，考試永
興軍。冬，出遊樓觀、五郡、
司竹監。

日返至府有記所經歷寄子
由、《微雪懷子由》、《記歲
暮鄉俗》三首、《病中
聞子由不赴商幕》、《病中
大雪次韻答趙薦》。

《和子由寒食》、《和子由蠶
市》、《踏青》、《和子由苦寒
見寄》、《懷趙薦》、《至礪谿
有猿字韻》、《翠麓亭》、《宿
礪龍寺》、《懷賢閣》、《和子
由園中草木》、《題南溪竹
上》、《和劉長安題薛周逸
老亭》、《王氏中隱堂》、《和
子由聞予將如終南太平宮
讀書》、《將往終南和子由
見寄》、《周公廟》、《避世
堂》、《自清平鎮遊樓觀五
郡等處寄子由》、《凌虛
臺》、《竹飢》、《漢陂魚》、
《讀道藏》、《司竹監會獵》、
《和子由論書》、《記吳道子
開元寺畫》（二四）。

治平元年 甲辰		十二月，先生自鳳翔代還。	《和董傳留別》。
二年乙巳		二月，至京師，磨勘轉殿中丞，除判登聞鼓院，尋召試館職，除直史館。英宗自在藩邸聞公名，欲以唐故事召入翰林 ^(二五) ，宰相限以近制不可，故有此命。夏，通義郡君卒。	《過華陰寄子由》。
三年丙午		夏四月，宮師卒於京師，先生護喪歸蜀。	春有《次韻柳子玉見寄》。
四年丁未 正月神宗皇帝即位	六月，始屢詔議役法。九月，韓琦免。	先生居憂。	
熙寧元年 戊申	三月，新除翰林學士王安石始入對，勸上以更法度。	秋七月，除宮師喪，冬，出蜀。	
二年己酉	二月，富弼召拜昭文相，王安石參知政事，尋命知樞密院陳升之同安石制置三司條例。三月，詔内外官以財用利害聞奏。四月，詔議改貢	春，至京師，除判官告院兼判尚書祠部。時王安石方用事，議改法度，以變風俗，知先生素不同己，故置之是官。五月，以論貢舉法不當輕改	《送錢顓安道》、《送曾子固》、《送王頤》、《靜照堂》、《醉墨堂》、《送任伋通判黃州》。

舉法。是月，始分遣劉彝等八人相度農田水利賦稅徭役利害，自此察訪常平，體量義勇，制置市易，經畫夷洞及排保甲、括沙田之類，遣使無虛日矣。五月，御史中丞呂誨論王安石奸詐不可任，出知鄧州。六月，詔以京東錢帛貸貧民，歲終取息，青苗法始此。七月，始行均輸法，詔令淮浙江湖六路發運使薛向領之。九月，置諸路常平廣惠倉提舉官，頒農田水利約束。十月，富弼以安石專政議論不合免，曾公亮昭文相，陳升之集賢相。十一月，命樞密副使韓絳同制置三司條例。陳升之始附安石得相位，既相，遂言條例司難以簽書，他日又以爲不可置此司，安石不可，故有是命。明年卒罷。

召對，又爲安石所不樂。未幾，上欲用先生修《中書條例》，安石沮之。秋，爲國子監考試官，以發策爲安石所怒。冬，上欲用先生修《起居注》，安石又言不可，且誣先生遭喪販蘇木入川事，遂罷不用。安石欲以吏事困先生，使權開封府判官。先生決斷精敏，聲聞益振，上疏論買燈事，上嘉納之。又上疏論事，慷慨不屈。子由是春以上書言事，除三司條例司檢詳文字。